

TPM dakwa Malaysia tak pernah abai isu hak asasi
Malaysiakini.com
Jan 22, 2010

Timbalan Perdana Menteri Tan Sri Muhyiddin Yassin berkata isu hak asasi di Malaysia perlu dinilai secara adil kerana kerajaan tidak pernah mengabaikan isu tersebut seperti didakwa pihak tertentu.

Beliau berkata kerajaan sentiasa melakukan penambahbaikan dalam pelbagai isu hak asasi manusia termasuk membabitkan keagamaan di negara ini.

Malaysia telah melakukan terbaik

"Kita telah melakukan yang terbaik," katanya kepada pemberita selepas Majlis Pemimpin Bersama Rakyat di Masjid Assyakirin di Bintulu hari ini.
Muhyiddin berkata kadang kala penilaian hak asasi di negara ini dinilai melalui persepsi semata-mata dan ini menimbulkan salah tafsiran.

Human Right Watch di dalam laporannya yang dikeluarkan semalam mendakwa kerajaan Malaysia pimpinan sekarang telah mungkir janji untuk melindungi kepentingan rakyat dan masih lemah menangani isu hak asasi manusia.

Laporan 612 muka surat tersebut mendakwa kepimpinan sekarang menindas pembangkang, menyekat hak kebebasan bersuara dan memberi layanan buruk kepada pendatang asing.

- *Bernama*

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/122608>